

جریدہ علیہ

مشیت جلیلہ اسلامیہ نمک جریدہ رسمہ سید

صفر ۱۳۳۵

عدو: ۲۸

آیدہ بر نشر اولہ

اوپنچی سنہ

فتوای شریفہ

نکاح
ہندبالغہ غننی زیدہ تزویج ایتدکدہ اذن قاضی بولنامہ عقد مزبور صحیح اولورمی
الجواب : اولور .

زید آناسک لابوین قز قرنداشی ہندک قزی زینبی تزوج ایتک جائز اولورمی
الجواب : اولور

رضاء
زید رضاعاً خالہسی ہندک نسبا قزی زینبی تزوج ایتک جائز اولورمی الجواب : اولور

ہند زیدی مدت رضاعہ ارضاع ایتدکدنصرکہ بش سنہ مرورنده زینبی دخی مدت
رضاعہ ارضاع ایلہ زید زینبی تزوج ایتک جائز اولورمی الجواب : اولور

مهر

زید هندی شوقدر آقچه مهر معجل وشوقدر آقچه مهر مؤجل تسمیه سیله تزوج
ودخول ایتدکدنصکره زید هنده نسه ویرمدین هندی تطلیق ایلسه هند مهر معجل
ومؤجلنی تماما آلفه قادره اولورمی الجواب : اولور

★ ★

بینوت

زیدزوجسی هندك آناسی زینبی شهوت ایله مس ایلسه هندزیده حرام اولورمی الجواب :

اولور

★ ★

رجعت

زید زوجه مدخول بهاسی هندی ایکی دفعه طلاق رجعیله تطلیق وهر دفعه ده عدتی
ایچنده مراجعت ایتدکدنصکره ینه تطلیق ایلسه حالا زید هندی بلا حله تزوجه قادر
اولورمی الجواب : اولور

★ ★

نفقه

زیدك زوجسی هند مریض اولوب علاج وتیمار طیبه محتاجه اولدقده هندی علاج
وتیمار ایچون طیب استیجار ایتك زید اوزرینه واجب اولورمی الجواب : اولور

★ ★

عدت رنقه

هندك زوجی زید آخر دیارده ایکن عمرو هندك زوجی اولدیفنی بیلمامکه هندی
تزوج ووطی ایتدکدنصکره زید کلوب هندی عمرودن تفریق ایتدرسه هنده عمرودن
عدت لازمه اولورمی الجواب : اولور

بوصورتده هند عمرودن نفقه عدت نامنه نسه آلفه قادره اولورمی الجواب : اولور

ماده : ۲۰ دیوان تمیز دیوان حربلردن و بریلان حکملرک تمیزاً تدقیق و اعاده محاکمه و نقل دعوی و تعیین مرجع طلبری حقنمه قرار اعطاسیله مکلفدر .

ماده : ۲۱ دیوان تمیز دعوی اوراق اوزرنده تدقیق ایدر مع هذا مستدعی دیوان تمیزجه ایضاحات شفاهیسنک استماعنی طلب ایتمش ایسه موقوف اولدینی و دیوان تمیزک قرارکاهنده مأموراً و یا مأذوناً بولدینی و یاخود دیوان تمیزک قرارکاهی اولان محله قانوناً ایضای وکالته مأذون بر ذاتی حین استدعاده وکیل ارأه و تعیین ایتمش اولدینی تقدیرده یوم و ساعت تدقیقات مستدعی به و یا وکیل قانونیسنه اخبار ایدیلیر و یوم معینه کندیسی و یا وکیلی و یاخود هرایکیسی حاضر بولنورلرسه مدعی عمومی و یا معاونلرندن بری مواجههسنده علناً افاداتی استماع و مدعی عمومیکنک مطالعه شفاهیسی استحصال قنور . بولنرک عدم حضوری غایبلرنده تدقیقات اجراسنه قطعياً مانع اوله مر .

ماده : ۲۲ هر هانکی بر مجلس تمیزه تودیع اولنان اوراق دعوی باش مشاور و یا بونک توظیف ایدم جکی عدلی اعضادن بری طرفندن تدقیق اولنورق ایشک خلاصه سنی و نتایج تتبعانه نظراً لازم الحل مسائل ایله بوبایده کی مطالعات مدله بی فاطق برتقریر تنظیم ایدیلیر مواد بسیطه ده و یا تدقیقات تمیزییه محل اولیان خصوصاًتده تقریر تنظیمندن صرف نظر ایدلسی و یا اشبو تقریرک اک بیوک رتبه لی عسکر اعضانک انضمام موافقیله عسکری اعضادن برینه تنظیم ایدیرلسی جائزدر .

ماده : ۲۳ تقریر ، اوراق دعوی ایله برلکده باش مشاور طرفندن مجلسک اک بیوک رتبه لی و یا اک قدملی عسکری اعضاسنه تودیع اولنور . بوده دعوی واقعده و یا تقریر عدلیده قنون عسکرییه تماس ایدنی جهات وارسه بوبایده کی مطالعه فیه بی یا بالذات قلمه الدقندن و یاخود دیگر برعسکر اعضایه یازدیردقندن صکره اوراقی باش مشاوره اعاده ایدر بعده باش مشاور اک قدملی ضابط ایله بعدالاستشاره زمان مذاکره بی و هیئتک بشنجی ماده احکامنه نظراً صورت تشکلی تعیین ایله ایشی عائد اولدینی روزنامه مذاکره ادخال و ایجاب ایدنلره تبلیغ ایدر . یوم معینه ایش صر سیله موقع تدقیق و مذاکره یه وضع اولنور .

ماده : ۲۴ مجالس تمیزییه قانوناً مرتب اولان عدد اعضانک وجودیله تشکل و عسکری اعضانک اک قدملیسی هیئت مجتمع بولندجه ریاست ایدر . جلساته وظیفه انضباطی بوکا هاندر . باش مشاور تدقیقات و مذاکرانی اداره و آرای جمع و تدقیقات اتناسنده و یا خارجنده ایجاب ایدن مراسم و معاملات قانونیه و قلمیه بی اجرا ایلر .

ماده : ۲۵. تدقیقات اولاً عدلی متعاقباً عسکری تقریر صاحب‌رینک ایضاحات شفاهی‌سیله باشلار . بعده ایجاب ایدن اوراق ضبط کاتبی طرفدن قرائت ایدیلیر . افادات شفاهیہ استماع ایدیلہ جک ايسه بونلر دیکله نیر ولزوم کوریلن نقاط باش مشاور معرفتیه استیضاح اولنور . ومدعی عمومیلکک بوبابده کی مطالعہ شفاهیہ سی استماع ایدیلیر تدقیقات واقعہ کافی کوریلیرسه جمع آرایہ نوسل اولنور .

ماده : ۲۶. مجالس تمیزیه قرارلری اکثریت مطلقه ایله اتخاذ قنور تقریر عدلی صاحبی اک اول رأینی بیان ایدر آندن صکره برعسکر وبر عدلی اعضا اولق اوزره رتبہ سی ویا قدمی اک دون اعضادن باشلانیلوب بوترتیب اوزره جمع آرا ایدیلیر اثنای مذاکره موقع ریاستی اشغال ایتیش اولان عسکر اعضا اک صکره اعطای رأی ایدر . اعضادن هیچ بری مذاکره ایدیلن دعوانک بعض اقسام وتقرعاتنده اقلیتده قالمسندن طولانی دیگر اقسام و صفحاتی حقنده اعطای رأیدن استکاف ایدہ منر .

ماده : ۲۷. دیوان تمیز دعاوینک تدقیقاتنده واتخاذ قرارده مستقل وبر کونا امر وتعلیمات ایله غیر مقید ویالکز قانونه تابعدر .

ماده : ۲۸. دیوان تمیز قرارلری بھمه حال اسباب موجبہ بی حاوی وتعیرات غیر مأنوسدن مھما امکان عاری اولہ جق وواضح وقطعی المفاد بولنہ جقدر .

ماده : ۲۹. هیئت عمومیہ مذاکراتنده تدقیقاتہ اشتراک ایلان عسکر اعضانک اک قدملیسی ریاست ایلر واک قدملی باش مشاور مذاکراتی و معاملات قانونیہ بی اداره واجرا ایدر هیئت عمومیہ ده ایضاحات شفاهیہ استماع ایدیلہ منر مع هذا اختصاصہ متعلق مسائل عسکریہ واداریہ ده دوائر عائدہ سندن مأمور جلیله اخذ معلومات ایدلسی جائزدر . ۲۱ و ۲۵ نجی ماده لرك احکام سائرہ سی ایله ۲۲ ، ۲۳ ، ۲۶ ، ۲۷ ، ۲۸ نجی ماده لرا حکامی بوبابده دخی مرعیدر .

ماده : ۳۰. مدعی عمومی عسکری ، احکام قانونیہ نک حسن جریاتی تأمین و بوبابده حقوق عمومیہ عسکریہ بی محافظت لازم کلن معاملات وتدابیری ایفا ایله مکلف وقوانین عسکریہ ایله منافع وقواعد اساسیہ عسکریہ تعلق ایلان احوال و خصوصاتده دیوان تمیز رئیسک رأینی ترویجاً بیان مطالعہ یه مجبوردر .

مبه

زید ملک عرصه سی هنده به و تـ لیم ایتدکده هند به کک عوضیدر دیو زیده
بر متاع و یروب زید دخی قبول و قبض ایلسه زید به سندن رجوعه قادر اولورمی
الجواب : اولماز

★ ★

ضمان

زید زوجہ سی هندی بلانفقہ براغوب آخر دیارہ کتدکدنصرہ هند زیدک کندودہ
ودیمہ اولان اچہ سندن نفقه سنہ قدر معروف شوقدر اچہ صرف ایلسه هندہ ضمان لازم
اولورمی الجواب : اولماز

★ ★

دعوی

زید عمروک یدندہ اولان منزل ایچون بکرك ملکیدر دیو بکرك توکیلله عمرودن
دعوی ایتدکدنصرہ زید منزل مزبور ایچون ملکیدر دیو دعوی ایدوب لکن توفیق
ایلسه مسموعه اولورمی الجواب : اولماز

مرور زمان

زید مدت سفر بعید آخر دیارہ کتدکدنصرہ قرنداشتی عمرو زیدک اراضی امیریہ دن
سند خاقان ایله تصرفندہ اولان تارلانی فضولا بکره فراغ ایدوب زید اول دیارده اون
بش سنہ مکث ایتمکله بومدندہ دعوی ایدم ماسه حالا زید کلوب فراغ مزبوری مجیز اولمش
اولماقغه اول تارلانی صاحب ارض حضورندہ بکردن دعوی مراد ایتدکده بکر مجرد
اون بش سنہ مرور ایتمکله دعواک مسموعه اولماز دیو زیدی دعوا دن منع قادر اولورمی
الجواب : اولماز

★ ★

اقرار

زید صحتندہ اوزرمده اولان اثوابدن غیری یدمده اولان جمیع اموال وعقارات

صغیر اوغللرم عمرو و بکر کدر بنم علاقم یوقدر دیو اقرار ایتد کدنصکره زید فوت اولوب عمرو و بکری و سائر ورثه سنی ترک ایتد کده سائر ورثه اقرار مزبور ی طوتمیوب حین اقرارده زیدک یدنده اولان اموال و عقاراتی میراثه ادخاله قادر اولورلرمی

الجواب : اولمازلر

★
★ ★

شهادت

زید هندن بر خصوصی دعوی و هند انکار ایدوب زید مدعاسنه اقامت ینه ایدم مامکله هنده یمین و یردیرد کدنصکره زید مدعاسنه اقامت ینه ایله مقبوله اولورمی

الجواب : اولور

★
★ ★

فراغ

زید معتوه عتبی حالنده طایو ایله تصرفده اولان تارلایی عمروه فراغ ایله فراغ مزبور معتبر اولورمی الجواب : لولمازلر

سرالمصطفی کاظم
معتمد